



REVNI SEKIRITE SIPLEMANTÈ (SSI) DWA AK RESPONSABILITE

Ki dwa pa w?

Ou gen dwa:

- ▶ Aplike pou w resevwa benefis, **gratis**;
- ▶ Jwenn èd nou pou w ranpli fòm aplikasyon yo, epi jwenn dokiman ou bezwen yo.
- ▶ Fè yon moun ede w avèk reklamasyon Revni Sekirite Siplemantè w la (SSI) epi fè moun sa a ale avèk ou lè w ap vizite biwo lokal Sekirite Sosyal la (SSA);
- ▶ Fè yon avoka oubyen yon lòt moun ou chwazi reprezante w;
- ▶ Mande pou ou wè enfòmasyon ki nan dosye w;
- ▶ Pran yon lèt ki va di w kisa nou detèmine sou ki valè kòb ou ka resevwa, avèk kisa nou pral peye w. Ale nan kou d Apèl konsènan pi fò detèminasyon Administrasyon Sekirite Sosyal (SSA) pran konsènan desizyon si w ka resevwa Revni Sekirite Siplemantè (SSI), oubyen valè Revni Sekirite Siplemantè a (SSI), si w pa ta dakò avèk detèminasyon nou an;
- ▶ Jwenn èd yon entèprèt, **gratis**, si w pa pale anglè ase pou w regle zafè w avèk nou;
- ▶ Jwenn èd nou pou w ka jwenn dosye medikal ou;
- ▶ Jwenn kopi loua yo, ak regleman yo oswa deklarasyon prensip yo itilize nan desizyon demann w ou a.
- ▶ Lations ou des politiques utilisées en prenant une décision sur votre demande.

Ki responsabilite pa w?

Ou dwe di nou lè:

- ▶ Ou deplase oubyen ou chanje adrès.
- ▶ Ou mete nenpòt moun an plis nan kay ou oubyen ki kite kay ou.

- Revni w oubyen salè w chanje.
- Gen chanjman nan resous ou oubyen nan sa w posede.
- Ou resevwa èd pou kouvri depans ou fè pou w viv oubyen si ou resevwa kichòy nan men zanmi oswa fanmi.
- Mari w oubyen madanm ou oubyen nenpòt moun lakay ou mouri.
- Ou marye, separe oubyen divòse.
- Ou chanje non w.
- Ou vin elijib pou lòt benefis oswa peman.
- Ou ap viv nan yon enstitisyen oubyen ou kite yon enstitisyen (tankou yon lopital, kay retrèt pou granmoun, prizon).
- Ou kite Ozetazini oubyen ou retounen Ozetazini.
- Genyen yon manda arrestasyon ki te pibliye kont ou pou yon krim, oswa yon krim tantatif, ke se yon krim, oubyen pou violasyon libète kondisyonel, oswa violasyon de eprèv.
- Ou se yon imigran yo te parene epi revni parenn ou chanje.
- Genyen yon chanjman nan aktivite lekol (si ou anba laj 22 zan)
- Kondisyon la sante w amelyore, si w resevwa Revni Sekirite Siplemantè (SSI) akoz ou andikape oubyen w avèg.
- Ou pa kapab kenbe randevou ou genyen avèk biwo nou.

Rapèl

- Si I vin enposib pou w dirije lajan w, ou dwe rapòte sa bay Sekirite Sosyal.
- Nou pral bay sèvis entèprt gratis lè w mande sa, pou w ka regle zafè Sekirite Sosyal ou. Silvouplè rele nou anvan, pou yon moun ki pale lang ou an kapab mete I a la dispoxisyon w pou I ede w. Ale nan SSI Spotlight (Projektè briyan) pou Sèvis Entèprt
- Ou menm avèk reprezantan w lan dwe bay sèvis Sekirite Sosyal enfòmasyon ki egzat. Li pa legal pou w bay fo enfòmasyon volontèman lè w konnen enfòmasyon an fo.

- Ou dwe di Administrasyon Sekirite Sosyal tout kote ou te resevwa tretman medikal lè aplikasyon w nan baze sou yon andikap ou genyen.
- Jeneralman, ou gen **60 jou** pou w fè Administrasyon Sekirite Sosyal konnen si w vle ale nan kou d Apèl sou yon desizyon ou pa dakò.
- Nan ka ou ta mouri, yon manm fanmi an oubyen yon zanmi fèt pou avèti Administrasyon Sekirite Sosyal (SSA).



Silvouplè Remake: Fèy sa a prezante yon panorama jeneral sou dwa ak responsabilite Revni Sekirite Siplementè ou (SSI). Enfòmasyon ki ladann nan pa la pou kouvri tout pati lalwa a. Pou enfòmasyon espesifik sou ka pa w la, kontakte Sekirite Sosyal.

Pou plis enfòmasyon

Silvouplè vizite oubyen ekri biwo Sekirite Sosyal, oubyen telefòne gratis nan nimewo **1-800-772-1213**. Ou kapab pale avèk yon reprezantan soti 7è a.m. rive 7è p.m. nan jou biznis. Nenpòt lè ou rele, pare nimewo Sekirite Sosyal ou.

Gen enfòmasyon anrejistre ansanm avèk sèvis ki disponib 24è sou 24, menm fen semèn ak jou konje.

Si w gen yon machin TELEENPRIMÈ “TTY”, ou kapab rele nimewo TELEENPRIMÈ “TTY” gratis nou an, **1-800-325-0778**, soti 7è a.m rive 7è p.m.

Nou trete tout apèl konfidansyèlman – swa yo fèt nan nimewo gratis nou yo oubyen nan youn nan biwo lokal nou yo. Nou vle asire ou resevwa enfòmasyon ki egzat epi sèvis ak koutwazi. Se rezon sa a ki fè nou gen yon lòt reprezantan Sekirite Sosyal k'ap sipèvize tout kout fil k'ap antre epi tout kout fil k'ap sòti.

Ou kapab vizite paj elektwonik nou sou Entènèt: <http://www.socialsecurity.gov/> ak <http://www.socialsecurity.gov/multilanguage>, pou lòt sijè ki gen rapò ak Revni Sekirite Siplementè (SSI) ak Sekirite Sosyal.